



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Eremita felem suum tenerius amans, & præ se D. Basilium magnificè
sacris operantem despiciens, ab Angelo corripitur.

[urn:nbn:de:hbz:466:1-70444](#)

*Eremita felem suum tenerius amans , ac
deinde præ se D. Basiliū magnificè sa-
cris operantem despiciens, ab Angelo cor-
ripitur.*

Ex Marulo.

HAUD malus eremi cultor olim olim fuit,
Qui iam senectam totus exsucco in solo
Triuerat ab annis inde mollioribus.

Bonus ille Cucuphas (forte nomen hoc erat)
Felem senex amabat, vt ciuem suum,
Fallor, senex amabat, vt prolem suam
Tenerius æquo (& fallor) æquo stultius.

Is sæpè totos bispuer vetulus dies
Felem fouebat in sinu, nunc blandiens,
Nunc ore gelidum spiritum afflans auribus,
Productiores mystacas nunc vellicans,
Donec molesti bestia impatiens ioci,
Suum *uias* voceG raiā emitteret,
Aut in semili dexterā vngue scriberet.

Si propter ignem iusculum, si oluscum
Sibi appararet, apparabat & suo
Cucuphas catello, promptiusque quam sibi.

Coniuia nequam, se se amari conscius,
(Audaciorum more puerorum, suis
Qui se magistris chariores autumant)
Subinde petulans, impudens, audax erat.
Strataque mensa, nec sedente dum sene
Prior in catinum destinabat vngulas.
Si senior orbes volueret precarios,

Hos

Hos nebulo ludibundus orbes carpere,
Vim facere, fôrs & dente funem rumpere.

Si genua ponens, ad Deum preces daret,
Tergum ille & armos ponè latus scandere,
Ronchoque ad aures comprecari diffono,
Et inde labi, & vestis oram mobili
Caudâ vnde cumque & usque quaque radere.
Arcere vix ausus senex, solo minas
Multiplicabat indice, & verò leues.

Si præ cauernæ foribus interclepsferat
Tectiuagus auceps elegantem musculum,
Vium & videntem properus in spectaculum
Ante senis ora ferre, ut in proscenium,
Sursum deorsum voluere, elabi sinens
Et mox retractum prendere. Est & murium
Vetus hæc querela, Nos dij ut pilas habent.

Postquam sibi & postquam seni sat gaudijs
Sat & timoris musculo creauerat,
Commolare duro dente captiui caput,
Dein hanc ferinam felium in ventris pen
Heroque comprobante suauiter dare,
Vti & misellas, quas subinde ex arbore
Præteruolantes aucupatus est aues.

Cucuphae dolebat, fortè si imprudentior
Cineri doloso felis indormisceret,
Et hinc pilos adustus efflauesceret:

Si frigus aures lancinaret acrius,
Sinebat in cubile subter stragulum,
Imò in cucullum dormientis ingredi,
Aut manicam inire brachialem funditus,
Illicque, si non oua, nidum ponere.

Sic erat (cremi pace quod scriptum velim)

Iii-

Ineptiente fele ineptior senex,
Cetera feuerus, asper, horridus fibi.

Hæc inter, animo subijt, animi gratiâ,
Adire ad vrbem, Cæsaris cognominem,
Vbi Basilius infulâ clarus sacrâ
Lateque rebus clarior gestis erat.

Illuc pedes tulere, duxit scipio,
Et fors in ædem principem dedit via,
Quando Basilius basilicè sanctæ Rei
Nauabat operam. Pompa erat, qualis diem
Tantum decebat, & decebat Præsulem,
Qui solio in alto veste fulgens aureâ,
Et in bicorni prominebat vertice.
Digitos obibant annuli gemmis graues,
Pedumque præerat aureum. Circùm chorus,
Et hinc & inde grec sacer, pars lineis,
Pars emicabat sericis epitogijs.

Hæc ille (quem columna dimidium dabat
Plebi videndum, cetera occultum) haud bono
Spectabat oculo, nare, barbâ luridis,
,, Et mussitabat, Ergone, ut famæ placet,
,, Basilius iste, tantus iste? scilicet,
,, Credant apellæ, & non apellæ, non ego,
,, Nimirum in isto bella luxu sanctitas
,, Sibi delicatum & byssinum nidum struit:
,, Ego inter aspros & sitibundos locos
,, Sudaui & alsi lustra dena & amplius:
,, Cubile, partem maximam, tellus mihi est,
,, Sunt & vigilæ somnus, esuries cibus,
,, Duri coloris hæc lacerna amictus est,
,, Sed & supellex una (scutellam manu
,, Prensabat, aspectabat) hæc omnis mea

,, Me-

» Mecum supellex, & familia nauigat.

Felem tacebat, quem suæ Larem casæ
Frustrà ciulantem inuitiùs reliquerat.

Dum tacitus istæc post columnam deuorans,
Magno seipsum Præfuli componeret,
En tibi inopina, quamque vellet, durior
Aurem superbam vox supernè verberat:

» Heus tu qui eremi cultor es, magè quam tui,

» Quid híc coaxas in lacunâ dentium?

» Inuitus, æger sanctiore hunc te virum

» Vides in auro, præque te flocci facis.

» Ventose Cucupha, disce, si nescis: sua

» Sua est inopiae, sordibus etiam sua est

» Ambitio, luxus, & cupidus, & vanitas.

» Scutella pendens cingulo pluris tibi est,

» Quam totus illi, quem vides, mundus sacer.

» De fele vin' dicam tuo, ludis tuis?

Vt iste felem nuncupari inaudijt,
Detumuit vniuersus, vt ranuncula
Pede pressa equino; & auris istoc verbere
In se reuersus, in suam demum casam,
Senex deinceps eruditior fuit:
Felis miserior, & flagrorum ditior.

» Index sinister esse qui soles, caue

» Ne forte Cucuphas æmulo velut suo

» Enutriendum det suum felem tibi.

Si ritè barbam demetis quotmensibus,

Ne carpe, néve scommatis falsis pete,

Promiserit si quis suam cinctu tenus.

Tu quoque Menalca cum tuâ domum boue

A nemore remeans ventre ter inanissimo,

Cui pisa oleribus mixta sunt hodie cibus,

Cras

Cras mixta pisis olera, ne fastu tume,
Ne teipse magni pende, nihili Villicos,
Quibus esca melior, atque candidior Ceres.
Et si lutatus, aut ab æstu torridus
Diffusis in agro, vel pedes das te in viam,
Ne Censor acer esto, néve liuidus,
Neu müssitator, obuium ciuem tibi
Si quem caballus aut quadriga vexerit.

Bone futor, inter prolium immensum gregem,
Cui casa non est altior decempedâ,
Vbi ritè vapulare non queat canis;
Vicus ædes grandiores dum struit,
Cui gnatus unus vnicus & æger domi est,
Caue istud ori murmur irrepat tuo:
Domum superbam mens superior parat.

Auriga ventis & procellis obuie,
Si lacera dorsum interula vix tegit tuum,
Niuem galero si fenestrato excipis,
Et hinc acerbo præ gelu totus riges,
Dum ad usque nares quæpiam in curru tuo
Matrona recubat triplici operta pallio,
Cui leua dextræ confepulta in pellibus,
Pedesque sudant in præalto subere,
Ne dic, Et ista quām dies ducit bonos?
» Grandi subinde dignior virgâ, solet
» Alios ferire virgulâ censoriâ.

S. Alexan-